

SIMONIS PISTORII
OPPOLIENSIS SILESII

Epigrammatum

OCTERNIO UNDECIMUS.

*Nobili, pietate, & eruditione
præstanti Viro*

DN. JOACHIMO RUPNOVIO

dedicatus.

Ad Lectorem.

*Hæc quoq̃, Lector amans, tibi Carmina mitto le-
genda,*

Quæ mihi privatim scribere cura fuit.

*Si vacat, atq̃, lubet, privatim tu quoq̃, Lector,
Perlege, post tunc mitte terenda, Vale.*



Humanissimo Viro,
D. IOACHIMO RUPNOVIO,
Cætus Krzeloviensis pastori dignissimo amico meo
honorando. S. P. D.

Tibi etiam Vir nobilis & humaniss. D. IOACHIME RUPNOVI, hunc undecimum Epigrammatum meorum Ofternionem lubens offero. Non quòd cum iudicem tuis auribus dignum, (quid enim tale a me proficisci queat, quod Viro docto, qualis tu es, summo opere placere possit:) Verùm quod animi mei singulariter in te propensi significationem, cum nequeam aliã, hac saltem ratione, declarare cupiam. Ab aliis majora & plura, ut meretur tua virtus & eruditio, expecta: a me autem amico tui observante, istum per exiguum ingenii mei partum, quã tibi offertur, benevolentia & candore, accipe. Si sese unquam, alio genere ostendendi, amoris mei erga te, obtulerit occasio, facultasque mihi id præstandi fuerit, non abfuiro officio meo. Interca vale, & me tui amantem redamare perge.

SIMON PISTORIUS.

Ad I

E

Virt

Re

Nec

Ne

Vern

Ch

Huic

Ip

Atqv

Ar

Perg

Qz

Nam

Cui

Ad D

CHR

De

Hinc

Su

Cum

Sv

Digna

Qv

Ad D. Ioachimum Rupnovsky, Virum nobilem
& concionatorem egregium.

ET TU RUPNOVI, natalibus inclyte claris,
Artibus, atq; aliis dotibus, aucte bonis,
Virtutem præ aliis adamasti pectore toto
Rebus, iners Mundus quas habet in pretio.
Nec te incendit opum, nec honorum vana cupido,
Nec pectus torret cæca libido tuum.
Verum forti animo contemptis omnibus istis,
Christum consequeris proximior gradu.
Huic tu consecras te totum, mancipio quæ
Ipsi te dedis, dedis & obsequio.
Atque Evangelii doctor, via quæ sit ad Astra
Artior, arguto providus ore doces.
Perge, Vir egregie, ut cepisti, & confice calce,
Quod reliquum est stadii, quâ præit ipse Deus.
Namque manet merces te certa laboris, & ingens,
Cum mundi haut fluxis æqui paranda bonis.

Ad D. Christophorum Stoinium, Virum nobilem
in Volhinia docentem.

CHRISTOPHORE, eloquio præstantis digna Parentis
De triga Fratrum progeniesquæ prior,
Hinc quæ te a nobis divisa Volhinia nostris
Sustulit ex oculis, e Patria quæ procul,
Cum quo cultus amor nobis fuit, acta quæ vita
Svaviter, in Cætus Christi adamante sinu,
Digna tuis meritis, tantisque laboribus æqua,
Quos inibi exantlas, reddat an illa tibi?

Epigrammatum

An te non alio dignetur & illa favore,

Qvo nata matrem, qvo pueriqve Patrem?

Sic reor; huic etenim divina Præco salutis

Additus, augustam pandis ad Astra viam.

Ipse tui oblitus, curâ mordace fatigas

Te, advigilans ne qvem devius error agat.

Sæpe docendo, instas operi, semperqve monendo,

Vt sic æternum teqve tuosqve bees.

Persta in eo ad finem; namqve hic ut non sit Amice,

Palma, sed in summo te manet illa Polo.

Ad genere nobilem, & doctrina præstantem Vi-
rum D. Samuelem Golecium.

DIGNA Theophrasti proles, & alumne, GOLECI,

Divinæ Sophiæ, Pieridumqve chori,

Cunctarum arcanas rerum cognoscere causas,

Nos seqve Phæbææ qvem juvat artis opus.

Quando dabis nobis, qvem concoqvis igne, liqvore?

Nodosam possit tollere qvi podagram.

Et sanare omnes morbos, moribundaqve membra

Manibus ex ipsis qvi revocare qveat.

Vera loqui fas sit nobis, turba illa qvod usqvam

Galenistarum non qveat efficere.

Illam quidem jactet sese, non hæc tamen unquam

Par, SAMUEL, Chymicis artibus extiterit.

Strena,

D. CHRISTOPHORO Ostorodo Viro & Theolo-
go clarissimo.

Dum

Osternio II. Simonis Pistorii.

DUM vetus egreditur, novus incipit, OSTORODE, an-
Certatur studiis undiqve & officiis. (nus

Mutua missiculat munuscula amicus amico,
Patronoqve Cliens dat bona verba suo.

Illa ego cum nequeam tenuis dare, do bona verba,
Quorum præcipue summa sit ista brevis:

CHRISTOPHORE, ut novus hic Orbi qui prodiit annus,
Secum fata tibi prosperiora vehat.

Vt, cedente anno, quam vix, ægreque trahebas,
Sit tua, successu jam meliore salus.

Quamque vales animo, valeas tam corpore, donec
Vivere in hoc fragili pectore IOVA dabit.

O qui cuncta potes, vis & dare cuncta rogata,
Quæ facimus, votis annue, IOVA, piis.

Immo fac nostrum longè exuperantia votum,
Quæ tibi præcipua est, pro bonitate tuâ.

Sic tuus OSTORODUS pollens virtute docendi
Vtilior nobis postmodò Doctor erit.

Quid dico nobis! tua quoniam Ecclesia fructum
Insignem ex ejus ferre salute potest.

Ad clarissimum V. Dn. Martinum Ruarum.

DELICIUM Christi cætus, amor, una voluptas,
Parsqve animæ CRELLI magna, RUARE, mei,
Dic, neque enim nescis, quo nunc apud externa Regna
Succedat pacto religionis opus?

Quot CHRISTO, & quales homines hinc inde lucratus,
Inscripsisti Albo, dulcis Amice, tuos?

An proditurus guttarum roris ad instar
Vberior fratrum est grexqve manusqve brevi.

Epigrammatum

*Sic puto; nam quis te nescit facere omnia Christi
Nominis augendi, care Ruare, tui.*

*Ad Generosum Virum Dn. Andream Moscorovium,
cum ei filiulus natus esset.*

*CLARE, nec ingenii Patris, nec degener oris,
Andrea, Musis dedite Pieriis,
Quam suscepisti carâ de Coniuge prolem,
Spem magnam Generis, grande decusqve tui.
Hanc beet ex alto, rerum Pater optimus auctor,
Ampliter omnigenis accumuletqve bonis.
Huic sua Parnassi de vertice flavus Apollo,
Donentqve Aoniæ plurima dona Deæ.
Ut referat, famæ præstantis Avumqve Patremqve,
Doctrinâ, genio, moribus, ingenio.
Cresce puer, risuqve Patrem cognoscere svesce,
Et rue in amplexus Matris amate tuæ.*

Ad D. Iohannem Stoinium Ministrum & Theologum eximium.

*O quàm te dicam nimium, nimiumqve beatum
Immensi præco, IANE diserte, Dei!
A curis procul humanis, cælestia tantum
Mente quòd evolvas nocte dieqve tuâ.
Non insanus amor & habendi, & honoris, & ulla
Infanda haut unquam te capit illecebra;
Ast aut rimaris sacri mysteria verbi,
Aut arcanâ oras voce subinde Deum.
Aut populo CHRISTI proponis Dogmata dia,
Æternæ monstrans dulce salutis iter.*

Ant fra-

Oſternio II. Simonis Piſtorii.

Aut fratrem in viſis, conſolarisq̃ue jacentem,
Proq̃ue eius carâ vota ſalute facis.
Deniq̃ue q̃vicq̃uid agis, tantum eſt cœleſte, piumq̃ue,
Spirant divinum cuncta Miniſterium.
Tam ſanctâ vitâ cui fas, obitum ante fruiſci,
Iure tibi felix nonne vocandus hic eſt!

Ad lectiſſimum nobiliſſimumq̃ue Iohannem
Moſcorovium.

Q̃uod fore credebam, iuvenum lepidiſſime in horas
Clarior evadiſ, IANE, & amabilior.
Acce in bar virtutis enim, viſ ingeniūq̃ue,
Ad ſeſe q̃vem non allicuiſſe q̃veant?
Haut alio ſummam conſcendere Gloriæ in Arcem
Hoc q̃vâ difficili tramite poſſit homo.
Maſte animo, iuvenis præſtans, & moribus iſtis,
Solus q̃ui multos exuperabiſ eris.

In Polypluſium.

Reſ tibi congeſti multas, Polypluſie, dudum,
Arca tua ingentes maxima ſervat opes.
Sunt mille argenti, ſunt auri multa talenta,
Vix olim Cræſus ditior ipſe fuit.
Plura tamen Captas, pluſ ſemper & appetiſ, eſtq̃ue
Ex q̃vacunq̃ue lucri re tibi dulciſ odor.
Sic dat multa Deuſ multis, non dat ſatiſ unq̃vam,
Et q̃uo reſ creſcunt: hoc mage creſcit amor.

Epigramma Nuptiale,

Scriptum in gratiam nobiliſ adolescentiſ
D. THOMAE Piſecioniſ affiniſ cariſſ.

Epigrammatum

Quod fore vix unquam sperabam; Te quoque blandæ
 Incescit Veneris castra Cupido sequi,
 Quantum Thoma nunces mutatus ab illo,
 Cui tantum Musis cura placere fuit.
 Ha! fueras osor nuper, iam magnus amator,
 Femineæ Gentis, conspiciendus ades.
 Scilicet ante alias tum Turba novena placebat,
 Cum tibi spes nulla in Virgine fulsit opum.
 At cum femineæ delectam examine turba,
 Indole præclarâ, dat Cytherea tibi (netæ,
 Pulchram ipsam, & pulchra, Sponsam, cum dote mo-
 Rursus præ Musis hæc tibi sola placet.
 Quas prius ardebas, iam refrigere Camenæ,
 Contemptæque iacent, & sine honore lyre.
 Vnam adamas Sophien, hæc est tua sola voluptas,
 Hæc ingens animi sola cupido tui.
 Omnino Cor habes Thoma, quod Protea præstas,
 Absque tamen vitio, commoditate tuâ.
 Ergo tuo desiderio frui, & cape dextro
 Quam donat Sophien auspice Diva tibi.
 Connubium non infelix, haut vanus aruspex
 Promitto, optandas & tibi, Sponse, vices.
 Hac modo tu decimâ nunc ductâ virgine, ne post
 Sustineas Musas deseruisse novem.
 Hanc cole ritè fide stabili, cole ritè vicissim
 Has quæ te studiis excoluere Deas.
 Sed facies nihil huius egens monitoris Amice,
 „ Cui mens insulsa est, Musa placere nequit.

Ad D:

Oſternio II. Simonis Piſtorii.

Ad D. Petrum Stoinium juvenem nobilem &
pietate præſtantem.

Scis PETRE, quid vulgus dicat! Mirabilis omnis
PETRUS, an a vero diſonet, ipſe vide.

In reliquo quâquam haut in te hæc proverbialia quadrēt,

Vnum eſt quo mirus tu videre tamen:

Nempe (quod eſt perrarum) adamatâ Cælibe Vitâ,

Viſ quod ut Angelicis annumerâre Choris.

Maxima viſ, immo & præſtas, mirabilis uſque

PETRE, tuo ſtudio, teque iuvante Deo.

Admiror, non invideo, mirabilis uno

Hoc PETRE, te ſanctus provebat ipſe Deus.

Cetera non PETRUS, PETRUS hoc mirabilis uno,

Sic ærum ſanctæ tranſige, PETRE, tuum.

Ad D. Ioachimum Rupnovium.

Qvos conſcripſiſti maternâ voce libellos,

Non das victuris cur, IOACHIME, typis?

Materia hæc ſcriptu digna eſt, digna utraqve lectu,

Quam prudens lector non ſine fruge legat.

Illic inveniet tum Chriſti Eccleſia quæ ſit

Vera, & apud quos ſit, quo inveniendâ modo;

An quærendâ prius ſacri quàm pagina Verbi,

Quanta poteſtas ſit, quæ data iura piis.

Illic inveniet tàm quæ credendâ cui viſ

Seu ſint, de ſummo Numine, ſive minus.

ſed Sophiſtarum trica panduntur, & ipſum

Scripturæ verum pingitur ex adytis.

Qvos conſcripſiſti maternâ voce libellos,

Ergo victuris da, IOACHIME, typis.

Epigrammatum

In Anagramma

D. SIMONIS RABONII

Symmylæ Carissimi.

NISI AMOR BONVS.

Que bona fortuna vulgi pro more vocamus,

Non ea cordato sunt bona vera, puto.

Causa, quod intereunt hæc singula & omnia, solus

At **BONUS** aeterno tempore durat **AMOR**.

Ergo tuum plusquam verum est Anagramma **RABONI**,

(Cetera cum pareant) non nisi **AMOR BONUS** est.

Ad nobilem Iuvenem **PETRUM** Ibramum.

Pauca tuo volui Natali scribere nuper

Carmina, verum aberas, optime **PETRE**, domo.

Ut priscus seruetur honos nihilominus & nunc

Hic ego versiculū te ligo **PETRE**, tribus.

Vive diu, sed vive Deo, & Virtutis amator

Esse stude, haud melius vivere **PETRE** potes.

Ad Dn. Thomam Geyzanovium po-
pularum carissimum.

Quam tibi sit plenum fidei dulcissime Thoma,

Pectus, & augustæ quæ Pietatū amans,

Patria, cognati, res, omnes spesq; relicte

Ob, contemptum aliis, Religionis opus,

Indefessus amor **CHRISTO** per scripta lucrandi

Sive tibi junctos sanguine, sive minus,

Affiduum studium peragendi puriter ævum,

Sunt argumento, frater amande, bono.

I pede inoffenso cepisti, candide Thoma,

Quo bene, pervenies latus ad **Astra Poli**.

Ad Dn.

OCTERNIO II. Simonis Pistorii.

Ad Dn. PETRUM Morzkovium, Virum nobilem
& eruditum.

PETRE, Ministrorum Soboles bona Patri, Aviq;
Qvos jam susulit, heu! mors inimica tibi,
Munere non dispar illis, & moribus almis,
Qvem Musæ studiis excoluere suis,
Quando dabis nobis tua Scripta arguta legenda,
In lucem è turpi restituenda situ?
Scripta PETRE, ingenuū quæ quivis artibus auctus,
Et candore bonus, judicioq; legat
Scripta, hodierna legat quæ non modo pravior atas,
Sed legat, atq; probe candida posteritas.
Vive precor, vegetos Pylî senis integer annos,
Et vive in laudes, optime PETRE, Dei.

Ad Generosum pietate & eruditione excellentem
D. Hieronymum Moscorovium Mæcenatem
meum colendissimum.

DOCTE, tuus Natalitii HYERONIME, præstans
Christiadumq; Gregis, Pieridumq; decus,
Ecce tuas pulsâtq; fores, vix luce coortâ,
Teq; suis vinclis nostra Camæna ligat.
Si dicas, sum liber, Eqves sum namq; Polonus,
Quid mihi cum vinclis, libera colla volo?
Subjicio, verum esse, sed his liberrima Regum
Pectora stringuntur, Magnanimumq; Ducum.
Dissolvo tamen, at tu dehinc, velut ante fuisti,
Te fore Fautorem polliceare mihi.
Vive Deo & CHRISTO, nobisq; tuisq; tibiq;
Et serò tandem mortuus astra pete.

Ad Dn.

Epigrammatum

Ad D. Iohan. Crellium, V. eruditione præstantem,
& Theologum insignem.

CRELLI, clare Vir eruditione,
CRELLI, Theologi cui disertè
Assurgunt, cui multa contulere
Sancti numina Spiritus abundè
Doctrinæ, & genii beata dona,
Qui scribisqve, docesqve, nunc quod ætas
Præsens audit, & insequens probabit.
CRELLI, aut iudicio politiori,
Aut sanctâ pietate, moribusvè
Aut purâ tibi Veritate quis par?
Macte his dotibus, ô corona fratrum,
O & candide flos domesticorum
Meorum! Scio te daturum opima
Et condigna tui dein beati
Ingeni monumenta plura nobis
Quod opto, stabilem modò salutem,
Et vitam tribuat tibi perennem
Is qui te cumulavit hisce donis.

Ad Iacobum Reynovicium, Adolescentem
egregium lepidissimumqve.

Hæc in quæ incidimus fatorum secula lege,
Retro sunt actis deteriora ferè.
Concutitur totus bellis ingentibus Orbis,
Atqve IACOBE, suâ iam propè mole ruit.
Nec tantùm Mars Regna ferus populatur & urbes,
Sed quoque Mors hominum demetit atra genus.
Dira lues passim regnat, lue peior in ausus
Cogit pestiferos & male sœvada fames.

In fun
Ma
Nec m
Inq
Invig
Vt
Vt qu
Sin

Maur

Post i

Qu

Tande

Te

Alter

Vt

Et cer

Pr

Hic v

Pe

Gens,

Sic

Qua d

Sic

Hæc n

Si

Hæc e

Di

Oſternio II. Simonis Piſtorii.

In furta, & cædes Mortales armat, & ipſas
Matres in natos viscera cara ſuos.
Nec modus ullus ineſt, quin deteriora ſequntur,
Inque diem, pejus nos mala cuncta premunt.
Invigila precibus lachrymas ſuper adde, IACOBE,
Vt nobis fiat mitior ira Dei.
Vt quæ poſt ſurgent, divino Numine dante,
Sint bona, ſint cunctis ſæcla beata. Vale.

Mauritio Videmanno, Scholæ Racoviensis Colle-
gæ primario Sponſo.

Poſt indefeſſos Regionum deniq; curſus,
Quas VIDEMANNE tibi, cura videre fuit,
Tandem externorum domus, hoſpitiumq; POLONA
Terra, velut Patria eſt altera, viſa tibi,
Alter a viſa tibi patria eſt, adamataq; ſedem
Vt foret hic etiam ſigere certus amor.
Et certè ratio eſt, iſtâ conſiſtere terrâ,
Præ reliquis, placuit cur, VIDEMANNE, tibi:
Hic vox ſana Dei, quâ maximus hæcenus Orbis
Penè caret, CHRISTI Gensq; reperta tibi eſt,
Gens, quæ ceu ſagrat divinam Relligionem
Sic fugit humanæ Traditionis opus.
Quæ ceu nil reputat Pietate antiquius alma,
Sic vaga contemnit quæ bona mundus habet.
Hæc nos unâ ambos, natali ſede relictâ,
Siſtere in arctois cauſſa cœgit agris,
Hæc eadem (ſpero) nos hic retinebit Amicè,
De nobis ſummo proſpiciente Deo.

Interea

Epigrammatum

Interea quam GETRUDEM tibi dia Puellam
Gratia dat, stabili consociatq; thoro,
Accipe ovans, VIDE MANNE, viden velut ore pudico
Patre iubente, tibi se vovet illa Viro:
GETRUDI tibi se propriam dat, te proprium illi
Tu quoq; da, & firmâ mutuum amate fide.
Voti hæc summa mei est: nexu concordia æhenæ
Sub juga conjugii vos Deus ipse juget.

In Hyperephanum.

Est doctrina tibi sateor, prudentia solers,
Multiplici rerum cognitione cluûs;
Nec tantum tibi dona adsunt Plebeia, largè
Quæ tibi Pierides contribuere Dee.
Sunt etiam bona multa domi, sunt aris acervi,
Dives es, ac ideo magnus haberiis homo.
Fastidire tamen tenues, Hyperephane, noli,
Nec parvos alto temne supercilio.
Qui prodest aliû, plusquam se suspicit omnes,
Hic sapit, hic demum suspiciendus homo est.

Ad Iohannem Crellium, & Iohannem Stoinium,
fratres intimos, & Amicos conjunctiss.

Si specimen quâquam sinceri quærit amoris,
Atq; duos pariles nosse in amore cupit,
Non eat Argolicos ad Thesea, Pyrihoumq;
Nec non Hyrtaciden, Eurialumq; Troes.
Aut alios paucos, quorum admirata vetustas
Æternas retulit nomen in historias.
En clarum nostra exemplum tibi secula præbent,
En tibi par fratrum nobile amicitia.

Crellius

Ocſternio II. Simonis Piſtorli.

CRELLIUS ille oculus, lux ille **STOINIUS**, almi
Pieridumq; Chori, Chriſtiadumq; Chori,
Tàm bene ſunt ambo conjuncti corpore vino,
Nempe unam ſpirent, ut duo penè animam,
Ambo pares ætate, pares virtutibus ambo,
Ambo pares ſtudiis, artibus ambo pares.
Vnum cor illis anima una atq; unica mens eſt,
Vnica pectoribus vita duobus ineſt.
Vt parcant capiti triſtiſſima fata **STOINI**,
CRELLIUS haud dubitat fata ſubire bonus.
Vt parcant anima **CRELLI**, ipſe **STOINIUS** atra
Vel bi non renuit fata ſubire pius.
Vivite concordēs anima, ad cæleſtia nata.
Vivite, de cælû vos liget acer Amor.
Hunc veſtrum tàm mirificum miramur amorem,
In veſtra & cupimus vivere amicitia.

Gratulatorium.

Ad Doctorem Martinum Piſecionem Affinem
ex Italia redeuntem.

Doctrinâ clarus, tituli & Doct̃or onuſtus,
Qṽod Martine, alio ſalvus ab Orbe rediſ,
O ego qṽam letor, qṽam toto gaudeo corde,
Qṽamq; tuo cupio protinus ore fruiſ
Atq; utinam mecum jam nunc Vir clare, ſederes,
De rebus præſens & loqverere tuû.
Parva mora eſt, fiet: tantû hoc tibi numina præſent,
Et decus & Patriæ Doct̃or eſſe qveas.

Manibus

Epigrammatum Oſter: II.

Manibus Tobiaꝝ Accipitrini Patricii Oppolienſis
amici & popularis ſummi & deſideratiſſimi.

Ingenio præſtans luſtris vix quinq; per actis
Hos luvenis manes Accipitrinus habet.

Flete Meduſæi cultores fontis, Apollo

Flet Clarius, Muſæ, Mater amata gemunt,
Nos quoq; Theſæo junctiſſima ſœdere corda,

Heu! fracti gemitu, pectora concutimus.

Et qverimur ſortem, quòd nobis invidet iſtud

Tàm cito, tàm doctum, tàm juvenile caput.

Sed fruſtra ab qverimur! naturæ penſio cunctis

Solvenda, & nullo tempore tuta ſatis.

Quàm ſit vita fugax, incerta, caduca, brevisq;

Quivq; es exemplum non leve lector habes.

In obitum Iacobi Piſtorii Bregenſis Parentis ca-
riſſimi deſideratiſſimiq;ve.

Deſunctus ipſe loquitur.

QVAM breve Ver ævi, quàm parvi temporis ætas!

Quàm paucis præbet vita ſenile decus!

Vix mea me Coniunx natorum quinque Parentem

Fecerat, ut vitæ debita ſolvo meæ.

O mea progenies, animâ mihi carior ipſâ,

Auxiliis fueras nunc moderanda meis.

Obruitur ſolers mediis Palinurus in undis,

Vos habet in ſola naufraga puppis aqua.

Chriſte, gubernator navis, lectiſſime Tiphy,

Hos ego do curæ, numinibusq;ve tuis.

Tu fac ubi ſapiens illis adoleverit ætas,

Organa ſint Regni non oneroſa tui.